

# कथिनोत्सव



लेखक :

भिच्छु ज्ञानेश्वर महास्थविर

Dhamma.Digital

सम्पादक :

भिच्छु सुदर्शन

# कथिनोत्सव



लेखक :

भिक्षु ज्ञानेश्वर महास्थविर

Dhamma.Digital

सम्पादक :

भिक्षु सुदर्शन

प्रकाशक :

सकल श्रद्धालुपि  
श्री शाक्यसिंह बिहार,  
थैना, ललितपुर, नेपाल ।

बु. सं. २५२३  
वि. सं. २०३६  
ईसवी १९८०

मूल्य

Dhamma.Digital

थाकू :

शाक्य प्रेस,  
वंबहाल, कान्तिपुर,  
नेपाल (फोन : १३६०४)

# श्री चन्द्रमणि-कथिन दान-विधि



भारत तथा नेपाल के लुप्त हुए बुद्ध शासन के पुनरुद्धारक  
पूज्य चन्द्रमणि महास्थविर जी  
के पुण्य स्मृति में प्रकाशित किया गया है ।

## निवेदन

नेपालयापि व्याकृ हे धयार्थे भिक्षु, श्रामणेर व अनागारिकापिनि प्रव्रज्या आचार्य उ० चन्द्रमणि महास्थविर खः धयागु सकसिनं सि हे स्यू । धात्थे धाःसा नेपाल्य् हानं बुद्ध शासनया शासनिक भिक्षु परम्परा न्हाकेगुली दकसिबे अप्वः कृपा व करुणा नं वसपोलं हे तथा बिज्याःगु खः ।

वसपोल्या पुष्यस्मृतिस भिक्षु ज्ञानेश्वर महारथविरं वंगु वर्षावासया उपलक्ष्य नेपाल्य् कथिन दानया अभूतपूर्व कथं आयोजना याना बिज्यात । १४ दँया उमेर्य् श्रामणेर जुया नीदँ दयेवं ईसवी १९४२ पाखे उपसम्पदा जुया बिज्याकम्ह भिक्षु ज्ञानेश्वरं थःगु देश्य् अक्याब व रंगून्य् धर्माचार्य तक धर्मग्रन्थ ब्दना बिज्यात । ईसवी १९६३ स पूज्यपाद गुस्या पाखे भगवान् बुद्धया महापरिनिर्वाण स्थल कुशीनगरयागु विहारया व्यवस्थापन कार्यभार कया बिज्याज्यां वसपोलं हाइस्कूलं निसे मध्यकालीन इतिहास्य् एम.ए. तक अध्ययन याना बिज्यात । थौंकन्हे “पालि जातक कथा”स शोधपत्र तयार याना बिज्याना च्चन ।

पूज्यपाद चन्द्रमणि महास्थविरया भारत्य् सिबे नं नेपाल्य् अप्वः भिक्षु, श्रामणेर व अनागारिका शिष्यपिं दुगुया कारण्य् वसपोल भिक्षु ज्ञानेश्वर महास्थविरं नं नेपाल्य् हे गुस्या पुष्यस्मृतिस निर्वाण कामना यासे कथिन दानया निर्णय याना बिज्यात । कुशीनगरं निसे कथिन कत्र व मेमेगु आपालं अष्टपरिस्कार ज्वलं ज्वना वसपोल नेपाल्य् बिज्यात । नेपालया दकसिबे जेष्ठतमम्ह पूज्य प्रज्ञानन्द महास्थविर वर्षावास च्चना बिज्याःगु श्री शाश्वसिंह विहार्य् कथिन दानया निर्णय याना बिज्यात ।

कथिनोत्सवया क्रम्य् छन्दु ऋगो कथिनया महत्त बारे इलांननी जूगु उपदेश व कथिन बारेया भिक्षु बुद्धघोष महास्थविर व भिक्षु कुमार काश्यप स्थविर दथुइ जूगु प्रश्नोत्तर कार्यक्रम धार्मिक कार्यक्रम कथं साब हे बांलाना महत्वपूर्ण न जुया वन । चमकतारा शाक्य, कल्पना शाय, संगीता शाक्य बालिकापिनि प्रश्नोत्तरं श्रोतापित प्रभावित यात ।

पवित्र कथिन दान यायेत कथिन वस्त्र व मेमेगु दान परिस्कारया यात्रा श्री मीनबहादुर शाक्यया छें ससननी निसें श्री शाक्यसिंह विहार थ्यंकः सांस्कृतिक बाजा लिसें भव्य कथं जुल । विशेषतः श्री शिवदेव संस्कारित श्री रुद्रवर्ण महाविहार ( उकुबहाः ) हिल्य् सुश्री सविता धारुवाः व सुश्री सुप्रिया शाक्य पाखें देवता आह्वान जुइवं प्रकट जुया बिज्याःपिं चतुर्भहाराज देवतापिनि पाखें परम्परागत कथंया भेषभूषा व शैली कथिन दानया संरक्षण, कथिन दानया पुण्यकार्य्य् उपस्थित जुया पुण्य संचय यायेगु आदि बारे प्रन्तुत जूगु अभिनयात्मक वार्ता सारै सफल जुया वन ।

थुगु हे पुण्य-प्रसंग्य् जूगु छलफल व वार्ता संरक्षित थजुइमा धयागु सदाशयं थुगु पुस्तिका प्रकाशित जुया च्वन । आशा दु, थुगु पुस्तिकां विशेषतः कथिनया महत्व व कथिनया प्रश्नोत्तरं कथिनया बार्य् आपालं ज्ञान पाठकवर्गपित बी । अले देवराजा इन्द्र व प्यंगू दिशाया अधिपति चतुर्भहाराज देवतापिनिगु प्रश्नोत्तरं कथिन दानयात गुलि तक महत्त्व बीगु परम्परा बौद्ध संस्कार्य् दु धयागु खँ नं थुगु सफुतिं बांलाक थुइका बी धका आशा याना ।

गण महाविहार

श्रीपञ्चमा, ११९०

— भिक्षु सुदर्शन

## निगू शब्द

वंगु कौलागाः ८, १०९९ ने. सं. (विक्रम संवत् २०३६ आश्वीन २७ गते तदनुसार १३ अक्टूबर १९७९) शनिवार खुनु पूज्यपाद गुह्वर चन्द्रमणि महास्थविरया पुण्यमृतिस नेपालया संघनायक भिक्षु प्रज्ञानन्द महास्थविर च्वना बिज्याःगु श्री शाक्यसिंह विहारय् वसपोलया वर्षा-वासया परिसमाप्ति अवसरय् गुगु भव्य कथं कथिनदान पुण्य कार्य जुल व सरुल नेपालया श्रद्धालु उपासक उपासिकापिसं सिया हे बिज्याःगु दु । थुगु पुण्य कार्य सफल यायेत श्रद्धापूर्वक सहयोग याःपिं सकल उपासक-उपासिकापित श्रद्धालु श्री मीनबहादुर शाक्य, वसपोलया दाजुकिजा, काय्चापिं जहान, काय् म्हचाय्पिं सहित सकल परिवार, हिरण्य पुस्तकालय व बौद्ध पुस्तकालय परिवार, ससननी, इलाननी; काः बहाः, नाग बहाः आदिया त्वाः बहाःया सकल परिवारयात अले उकुबहाःया महाबौद्ध पुस्तकालयया ल्याय्ह पुचःयात कुशीनगरय् बिज्याकपिं संघ-पिनि पाखें जिं आपालं साधुवाद बिया च्वना ।

लिसें उगु हे पुण्य अवसरय् प्रान्तुत जूगु कथिनया निदान व महत्त्व बारय् धर्म खँ, कथिन बारेया छलफल अले प्यंगू दिशाया अधिपति चतुर्महाराज देवतापिनिगु छलफल हानं पुस्तिका कथं पिहाँ वया च्वन थ्व जिगु लागी तःधगु हर्षया खँ खः । उकिं थुगु धर्म सफू प्रकाशनार्थ भ्वाहालि याःपिं सरुल श्रद्धालुपित नं जिं आपालं भित्तुनागु जुल । विशेषतः सफू

—६—

प्रकाशनार्थं मचाक मगाक अर्थभार कुब्जिया श्रद्धा तःपिं सुश्री रत्नप्रभा शाक्य, सुश्री रत्नशोभा शाक्य व चन्द्रशोभा शाक्ययात जिगु आपालं साधुवाद वु ।

भी पूज्य गुरु चन्द्रमणि महास्थविरया सद्इच्छा कथं भी सकलें मैत्री सहगत चित्तं छपाँय् छत्री जुया तथागतया बुद्धशासन चिरस्थायी याये फयेमा थ्व हे जिगु आकांक्षा व आशा खः ।

महापरिनिर्वाण विहार,  
कुशीनगर,  
पो. देवरिया, उत्तर प्रदेश,  
भारत  
२०-१-८०

— भिक्षु जानेश्वर

Dhamma.Digital



नमो तस्स भगवतो अरहतो सन्नासम्बुद्धस्स

## कथिन निदान कथा

(भिक्षु ज्ञानेश्वर पाखें जूगु धर्म देशना)

भी भगवान तथागत सम्यक् सम्बुद्ध कोशल जुजुया राजधानी  
श्रावस्ती नगरया जेतवन विहारय् बिज्याना च्वंगु समयय् कोशल जुजुया हे  
३०म्ह काय्पिं भद्रवर्गीय भिक्षुपिं पावाय् बिज्याना च्वंगु खः । वर्षावास  
शुणे थ्यंरुः वःगुलिं वसपोल भद्रवर्गीय राजकुमार भिक्षुपिसं विचाः याना  
बिज्यात—“भगवान तथागतया दर्शन याना थःगु देश श्रावस्ती नगरय् हे  
वर्षावास घाये ।” थुकथं विचाः याना पावां पिहाँ बिज्यात । अबले वा  
वये धुंकूगु खः । अबले थौं म्हिग.घायें लँ बांमलाः । लँ साप बांमलाःगुलिं  
याना वसपोल राजकुमार भद्रवर्गी भिक्षुपिन्त साब हे दुःख कष्ट जुल ।  
उकिं लँय् साकेत नगरय् हे वर्षावास च्वना बिज्याये माल । वसपोल  
भद्रवर्गीय राजकुमार भिक्षुपिं साकेत नगरय् न्हापांगु वर्षावास च्वना  
बिज्याये धुनेवं पुरिम पवारणा याना श्रावस्तीया जेतवन स्वया बिज्यात ।  
वर्षाया मौसम जूगुलिं याना उगु समय तःसकं वा वया च्वंगु खः । स्वीम्ह  
भद्रवर्गीय राजकुमार भिक्षुपिं वां दायेका बिज्याये माःगुलिं तःसकं दुःख  
सिया बिज्याये माल । वसपोलपिनिगु चीवर भ्यातनाले किना तःसकं

बांमलात । भगवान महाकारुणिक तथागतं स्वीम्ह भद्रवर्गीय राजकुमार  
भिक्षुपिं नाप वार्तालाप याना बिज्यात । स्वीम्ह राजकुमार भिक्षुपिसं  
थःथःपिसं दुःख कष्ट नया वयागु खँ कना बिज्यात । भिक्षुपिनिगु चीवर  
भ्यातनालं ब्यूगु स्वये हे मज्यूगु दशा खंका महाकारुणिक तथागतया मनय्  
करुणा बाः वल । अले भविज्यय् थये सुं भिक्षुपिन्त चीवरया अभावय्  
कष्ट थ मजुइमा धकाः थुगु कथिन दान चीवर बीगुयात अनुमति बिया  
बिज्यात ।



## कथिन दानया महत्त्व

कथिन शब्दया अर्थ तःसकं क्वातु व दुधं खः । गथे छे दनेगु इत्थं उक्किया जग तःसकं क्वातुक्क दुधंक्क व बःलाक्क तयेमाः अले जक्क व छे क्वातुसे च्चनी । हानं अथे हे सिमां प्यत्तेरं हा क्वातुक ज्वना तःसा जक्क व सिमां प्यंगू दिशां वडगु फय्यात्त सहायाये फइ । वथे हे कथिन शब्दया अर्थ नं क्वातुसे बःलासे व दुधंसे जुया दानया नियमयात्त ऋद्धिवान व्यक्तिपिसं नं उल्लेखे बदले याये फइमखुगु जुया च्चन ।

सुं ध्यक्ति नं छयाये फवाये यायेगु वा हिलेगु याये फइमखुगु कथिन दानया नियम थथे खः—

- (क) कथिन दान बीगु समय
- (ख) कथिन दान बीगु वस्तु
- (ग) कथिन दान ग्रहण याइपि संघ
- (घ) कथिन दान बीखुनुया यायेगु कर्म
- (ङ) कथिन दान बी धुंका प्राप्त जुइगु फल ।

कथिन दान बीगु समय—

च्वय् न्ह्यथनागु हिले मफुगु न्यागू नियम मये थ्व न्हापांगु नियम कथिन दानया समय सम्बन्धी नियम खः । कथिन दान बीगु समय

कार्तिक लच्छिया दुने हे जक खः । कथिन दान श्व लच्छिया दुने हे बी फयेके माः । दच्छिया १२ ला दइ । तर सुं न ध्यक्ति कथिन दान बीगु न्ह्याथे हे तःधंगु इच्छा याःसां कार्तिक लच्छि तोता मेमेगु गुगु नं महिनाय् कथिन दान बी फइ मखु ।

थुगु कथिन दान बीगुया नितिं विहिनगु समय तःसकं श्रद्धा मदयेकं बी अःपु मजूगु खराबगु अवस्था खः । छाय्धाःसा उगु समय (श्व महिना) प्रत्येक ध्यक्तियाके यबा मदया च्वनीगु समय खः । उगु कार्तिक महिनाय् वा बांलाक सइ मखुनिगुलिं आर्थिक शक्ति बःलाइ मखुनि । तर अथे धका सुयातं नं आय मदुगु श्व समय धका समय परिवर्तन याये माःसा नं समय परिवर्तन याये फइ मखु ।

धनं सम्पन्नगु महिनाय् अर्थात् बांलागु इलय् हे जक कथिन दान याये थुकथं विचाः याना महिना परिवर्तन याये यःसां नं परिवर्तन याये फइ-मखु । न्ह्याक हे मौसम खराब जूसां न्ह्याक हे आर्थिक स्थिति बांलाःसां नं कथिन दान बीगु समय परिवर्तन याये फइ मखु । केवल कार्तिक लच्छिया दुने हे जक कथिन दान यायेमाः ।

श्व हे कारणं कथिन दान बीगु समय अपरिवर्तनीय जुया क्कानुसे बलासे 'व्वना दुयना च्वन ।

### कथिन दान बीगु वस्तु—

कथिन दान बीगु वस्तु स्वंगू जक दु—

- (क) अन्तरवासक
- (ख) उत्तरासंग
- (ग) संघानि

थुपिं स्वता वस्तु मध्ये न्ह्यागुसां छता कापः हे जक कथिन दान जुइ । थ्व स्वता तोता न्ह्याक हे मू वंगु कापः यदि सुं साहु महाजनं कथिन दान बीगु इच्छा याःसां कथिन दान बी फइ मखु । थ्व स्वंगू प्रकारया चीवर बजारय् काचाक्क कायेगु दइ मखु । नेपाल व भारतथे जागु देशय् थ्व काचाक्क उपलब्ध मजू । मेगु अबौद्ध देशय् ला भन चीवरया नां जक हे नं दइ मखु । इपिं चीवर सुइगु तरिका सइ मखु । तर अये धका व हे कारणं कार्पेट, कम्बल दान बी धका दायक दायकापिनि मती तःसा व कथिन दानया श्रद्धा चेतना बांलाःसां नं सुं व्यक्ति अये मेगु कापतं कथिन दान याये फइ मखु । श्रद्धा सम्पन्न उपासक उपासिकापिसं ब्यूगु स्वता प्रकारया चीवर वस्त्र मध्ये छगू चीवर द्वारा हे जक कथिन दान बी फु । थुगु कथं कथिन दानय् दान बीगु वस्तुली नं परिवर्तन याये फइ मखु ।

थ्व हे कारणं दान बीगु वस्तु रूपं थुगु नियम अपरिवर्तनीय जुया छातुसे व बलासे फवना फवगु जुल ।

### कथिन दान ग्रहण याइपिं संघ— Digital

कथिन दान ग्रहण याइपिं व्यक्तिपिं संघ हे जक जुइमाः । छम्ह व्यक्ति कथिन दान ग्रहण याना काये फइ मखु । सुं दायकं फलानाम्ह भन्ते जिमि दाजु खः, फलानाम्ह भन्ते जिमि किजा खः, म्हस्यूम्ह खः, तःसकं विद्वानम्ह खः, जि वयात हे जक कथिन दान बी धका थुकथं विचाः याना सुयात नं कथिन दान बी फइ मखु । कथिन दान बीम्ह उपासक वा उपासिका, भिक्षु वा भिक्षुणी, श्रामणेर वा श्रामणेरी न्ह्याम्ह हे जूसां “इमं कथिन चीवरं भिक्षु संघत्स देम” अर्थात् थुगु कथिन चीवर भिक्षु संघयात बिया धका ब्यूगु चीवर हे सांघिक जूगुलिं संघ हे जक कथिन दानया ग्राहक

जुइ । थये मजूसे कथिन दान वस्तुयात “भन्ते जिं छपिन्त बिया” ध्या ब्यूगु कथिन दान जुइ मखु । व ध्यक्तिगत दान जूनी । सांघिक दान जुइ मखु । “अ थुम्ह भन्ते जिम्ह हे भन्ते खः । जि वयात हे बी, थुम्ह भन्ते शील, समाधि व प्रजां सम्पन्नम्ह खः । जिं वयात हे बी ।” थुम्ह ध्यक्तिगत रूपं सुयातं दान बियां कथिन जुइ फइ मखु । न्ह्याक्क हे श्रद्धां सम्पन्न जूम्ह दायक जुइमा कथिन दान संघयात हे बी माः । सुं ध्यक्तिया नामय् कथिन दान बी फइ मखु । आर्य भिक्षु संघयात हे कथिन दान बी फयेकेमाः । आर्य संघं हे कथिन दान ग्रहण याना कथिन कर्म याये फु । आर्य भिक्षु संघं हे प्राप्त जूगु कथिन वस्तुयात गनं सिमा गृह्य वना ज्ञाति कर्म वाचाद्वारा भिक्षु संघद्वारा सुं भिक्षुयात कथिन वस्त्र बी फु ।

अफ आर्य भिक्षु संघं नं कथिन सुयात माल उम्ह भिक्षुयात बी फइ मखु । दायतं आमन्त्रित विहाया दकसिबे थकालिम्ह महास्थविरयात हे कथिन दान बीमाः । तर उम्ह महास्थविरं नं उगु विहारय् आषाढ पुन्हीया कन्हे खुनु निसें वर्षावास चना प्रथम वर्षावास कचायेके फुह जुइमा अले हे जक कथिन दान ग्रहण याये योग्यम्ह उम्ह भिक्षु जुइ । श्रावण पुन्ही धुंका वर्षावास चना पच्छिमा वर्षावास चनीम्ह भिक्षुयात कथिन दान ग्रहण यायेगु अधिकार दइ मखु । न्हापांगु वर्षावास चनी ह भिक्षुं नं उगु विहारय् वर्षावास शुरू निसें अन्त तक त्वाः मदयेक मस्यंक वर्षावास च्वम्ह भिक्षु जुइमाः । आर्य भिक्षु संघ मेगु कथं सुयातं सुं भिक्षुयात पक्षपात याना प्राप्त कथिन दान कथिन वस्त्र मेपिन्त बी फइ-मखु । पक्षपात याना यदि सुं मेम्ह भिक्षुयात कथिन वस्त्र बिल धाःसा उगु कथिन दान सफल कथिन दान कर्म जुइ मखु । थुगु कथं वस्तु चीवर

ग्रहण याइम्ह भिक्षुयात नं परिवर्तन याये फइ मखुगु अर्थ नं थुगु दानयात कथिन दान धाःगु जुया छन ।

### कथिन दान बीगु दिनय् यायेमाःगु कर्म—

कथिन वस्तु प्राप्त याइम्ह भिक्षुं आर्य भिक्षुं संघया न्ह्योने ज्ञाति कर्म वाचा याना कथिन कर्म कथिन दान खुन्हु हे सीमा गृह्य वना याः वने माःगु जुया छन । कथिन दान खुनु हे कथिन कर्म याये मफुत धायेवं कथिन चीवर कथिन जुइ मखु । अऊ कथिन पूवनी मखु । सन्निधि मजुइकेत गुखुनु कथिन चीवर प्राप्त जुइगु खः, उखुनु हे ज्ञाति कर्म वाचा द्वारा कथिन कर्म यायेमाः । कथिन दान चीवर ग्रहण याइम्ह भिक्षुं चीवर प्राप्त जुइवं थः वर्षावास च्वनागु विहारय् थःगु कथिन कर्म यायेगु आवश्यक जू । मयात धाःसा सन्निधि जुइ । थुगु कथं कथिन दान बीगु दिनय् नं परिवर्तन मजू कथं अर्थात् उखुनु हे पुवंके माःगु कर्म दया छन ।

थ्व हे अर्थय् नं थ्व दानयात कथिन दान धाःगु खः ।

### कथिन दान बी धुंका प्राप्त जुइगु फल—

कथिन दान बी धुंका प्राप्त जुइगु फल खः —

- (क) अनामन्तचार = मसः तुकं गामय् वनेगु,
- (ख) असमादानचार = भिक्षुपित्त प्राप्त जुइगु चीवरयात इच्छा कथं तयेगु,
- (ग) गणभोजन = अकप्पिय निमन्त्रण भोजन ग्रहण यायेगु,
- (घ) यावदत्थ चीवर = विना अधिष्ठान विकल्पना याना तयेगु,
- (ङ) यो च दत्थ चीवरुपाद् = चीवरय् इच्छानुसार अधिकार प्राप्त यायेगु ।

अनामन्तचारः—

थुजोगु कथिन चीवर दान प्राप्त जुइ धुंका कथिन चीवर ग्रहण याइम्ह आर्य भिक्षु संघयात कथिन आनिशंस फल दइ । कथिन दान बीम्ह दायकयात नं भिक्षु संघयातथे हे फल प्राप्त जुइ । भिक्षु संघयात अनामन्त-चार = विकाल्य् गामय् वनीम्ह भिक्षुं “विकाल गामं गमिस्सामि” थये धया गामय् दुहाँ वनेमाः । मयसे गामय् वन धाय्वं आपत्ति लगे जुइ । तर कथिन दान प्राप्त जुम्ह भिक्षु संघयात उगु आपत्ति मुक्त जुइ ।

असमादानचारः—

भिक्षुपिसं गुता प्रकारया चीवर प्रयोग्य् ह्ये फु । व गुता प्रकारया चीवर प्राप्त जुइबले नं प्राप्त यानागु दिन फिन्हया दुने अधिस्थानया विकप्पना याना तयेमाः । थये मयात धाःसा “निस्सगिय” आपत्ति जूवनी । तर कथिन दानं कथिन दान फल प्राप्त याइम्ह भिक्षुं थःत दइगु उगु गुता प्रकारया चीवरयात अधिस्थान मयासे नं तयेफु । कथिन दान फल दुगुया कारणं वयात “निस्सगिय” आपत्ति मुक्त जुइ ।

गणभोजनः—

भिक्षुपिन्त अनादर शब्द प्रयोग याना भोजनया निमन्त्रणा याःसा नं उगु भोजन इमिसं ग्रहण याये मज्जू । भिक्षुपिन्त “साधु बाबा जा नः वा, मरि नः वा” धका हिवाय् चवाय् शब्दं सःतल धाःसा उगु भोजन याये मज्जू । ग्रहण यात धाःसा आपत्ति जुइ । तर कथिन दान फल प्राप्त याइम्ह भिक्षुं थुजागु गण भोजन ग्रहण याःसां नं वयात आपत्ति जुइ मखु ।



यावदत्थ चीवर :—

भिक्षुं त्रि-चीवर अधिष्ठान याये धुंका उगु चीवर शरीर अलग याये मज्जू । थःगु म्हं अलग चीवर तल धाःसा “निस्सग्गिय” जुइ । भिक्षुं त्रि-चीवर धूतङ्ग धयागु शील पालन याता च्चनी । व भिक्षुं त्रि-चीवर-यात “इमं तिचीवर अधिष्ठामि” धका धया अधिष्ठान याइ । अनं लिपा वं चीवर तोते मज्जू । चाःहे जूसां नं कम से कम निकुत्ताया दुने हे व चीवर तयेमाः । सुं भिक्षुं त्रि-चीवर धारण नियम पालन याये हे मयाःसां कथिन दान काइम्ह भिक्षुं कथिन दान छन्हु न्हयो निसें उगु त्रि-चीवर धूतङ्ग शील पालन यायेमाः । लिपा उगु त्रि-चीवर धूतङ्ग शीलयात पालन याये मफुसां उगु अधिष्ठान शील समाप्त याःसां ज्यू । उगु त्रि-चीवरयात “इमं तिचीवरं पच्चुद्धरामि” धका धया अधिष्ठान तोते फु । अधिष्ठानयात मततोत्सा आपत्ति जुइ । तर कथिन दान फल प्राप्त याइम्ह भिक्षु थुजोगु आपत्ति मुक्त जुइ ।

यो च दत्थ चीवरुप्पाद :—

भिक्षुयात चीवरया अधिकार पूरा प्राप्त जुइफु । गुगु विहारय् कथिन दान प्राप्त जूगु खः मेगु विहारय् वर्षावास च्चना च्चंपिं सकल भिक्षुपिन्त कथिन दान प्राप्त जूगुया कथिन आनिशंस फल प्राप्त जुइ । तथा उगु विहारय् अन्य प्रकारं नं प्राप्त जूगु चीवर व वस्त्रयात उगु विहारय् च्चंपिं भिक्षुपिन्त प्राप्त जुइगु अधिकार दु । कथिन दान आनिशंस प्राप्त मजूसा उजागु चीवर काये फइ मखु । कथिन दान प्राप्त जुल धाःसा थुजागु चीवर ग्रहण यात धाःसां आपत्ति जुइ मखु । थुजाःगु चीवर तथा तःसां छं नं आपत्ति जुइ मखु ।

थुगु अर्थय् न थुगु दानयात कथिन दान धाइ ।

उपरोक्त न्यागू कथिन दानं प्राप्त जूगु फल भिक्षु संघयात कथिन दान प्राप्त जूगु दिनं निसें फागु पुन्ही तक न्याला तक आनिशंस प्राप्त जुइगु जुया च्वन ।

थये हे कथिन दान याइम्ह दायकयात नं भिक्षु संघयात प्राप्त जूगुथें हे न्यागू फल प्राप्त जुइगु जुया च्वन । भिक्षुयात कथिन चीवर दानं कथिन फल प्राप्त जुइ धुंका न्ह्याथाय् नं रुयातं मधासे दयात विना भय वये वने याये दइ, न्ह्याथाय् यात्रा याःसां दयात रोकटोक याये फइ मखु । शत्रुं गुगुं कथं नं बाधा याये फइ मखु, उजागु हे फल दायकयात नं दइ ।

भिक्षुपिन्त कथिन दान प्राप्त जुइ धुंका अधिष्ठान “विकप्पना” मयासे आपालं चीवर तयेगु अधिकार दइ । ठीक थये हे कथिन दान बीम्ह दायकयात नं थःगु वस्त्र सहित अनेक प्रकारया सम्पत्ति मयासे तये दइ, पुने दइ । भिक्षुपिन्त कथिन दान प्राप्त जुइ धुंका गणभोजन यायेगु अधिकार दइ, अथे हे कथिन दान बीम्ह दायकयात नं विना भयं भोजन ग्रहण याये फइ । दयात छुं नं आपत्ति वा बिरामी दइ मखु ।

भिक्षुपिन्त कथिन दान प्राप्त जुइ धुंका त्रि-चीवर अलभ जूसां नं आपत्ति जुइ मखु । अथे हे कथिन दान बीम्ह दायकयात नं थःगु न्ह्यागुं व सम्पत्ति न्ह्याथाय् नं तये दइ । लः, मी, जुजु, खुं व शत्रु रूपी न्यागू प्रकार भय दयात जुइ मखु ।

भिक्षुपिन्त कथिन दान प्राप्त जुइ धुंका कथिन दान प्राप्त जूगु विहारय् च्वंपिं भिक्षुपिन्त फुक प्रकारया चीवर इच्छानुसार तयेगु अधिकार दइ । अथे हे कथिन दान बीम्ह दायकयात नं थःगु यःगु सम्पत्ति इच्छानुसार तये दइ । सुनानं दयात आपत्ति बाधा याये फइ मखु ।

नमो तस्स भगवतो अरहत्तो सम्मा सम्मुद्धस्स

## कथिनोत्सव प्रश्नोत्तर

[थुगु प्रश्नोत्तरय् भिक्षु बुद्धघोष महास्थविर पाखें प्रश्न याना बिज्याःगु खः । लिसः भिक्षु कुमार काश्यरं बिया बिज्याःगु खः । थुगु प्रश्नोत्तरया प्रस्तावना प्रारम्भ न्हापां उत्तर बीम्हं यायेमाःगु जुल ।]

कथिनत्थाय संघरस, इमं कथिन चीवरं ।

निय्यातितं विचारेथ, यथा धम्मं हि धम्मिकं ॥

भन्ते संघ, विनय धर्म कथं थुगु कथिन कर्मय् ज्या वड्डु चीवरयात, कथिन कर्मया नितिं, संघपिन्त विनय कर्म कथं प्राप्त जुल । थ्व विनय कर्मया अनुसारं प्राप्त जूगु कथिनकर्मय् प्रयोग याइगु चीवर छल्पोलपिसं विचार याना जाँच याना स्वीकार याना बिज्यायेमाल ।

प्रश्न—१ कोसल्लत्थाय विनये, असम्मोहाय हानितं ।

पालियत्थानुसारेण, पुञ्छित्तं ताव ते अहं ॥

आयुष्मान ! कथिन दान यायेगु विनय कर्मय् कुशलता प्राप्त यायेया नितिं हानं शिथिल मज्जुइकेया नितिं पालि अट्ठकया कथं थुगु समयय् कथिन दानया ज्या याये न्ह्यो थुगु कथिन दान नाप सम्बन्ध बुगु सीके माःगु खँत जिं आयुष्मानयाके न्हापां न्ये ।

उत्तर—“आम पुञ्छय भन्ते” ज्यू , न्यना बिज्याहुँ भन्ते !

प्रश्न—२ “केनत्येन कथिनं” पालि कथं थुगु कथिन नां जुया च्वंगु शब्द केवल नाम मात्र कथिन ला ? छु थुगु शब्द विना कारण रूत्ति संज्ञा मात्र जक ला ? मखुसा सम्मुति व्यवहार नां तथा विग्रह याना कारण सहित कथिन शब्दया अर्थ नं धया यंकि, आवुसो ?

उत्तर— “कथिनन्ति पञ्चानिससे अञ्जत्थ गन्तुं अदत्वा सङ्गहनत्येन कथिनं, थिरन्ति अत्थो” थये ‘कङ्गावितरणी टीका’ कथिनन्ति पञ्चानिससे अन्तो करण समत्थताय थिरन्ति अत्थो । थये सारत्थ-दीपनी टीका व विमति टीका पालि कथं ‘अनामन्तचार’ इत्यादि न्यागू कथिन आनिसंस फल, विहारय् वर्षावास याइपिं भिक्षुपिन्त जक प्राप्त जुइ । थ्व सही व ठोस अर्थ दुगु कारणं अनिप्फन्न पाटि-पदिक थिरत्थ वाची रूत्ति वाक्य जूगु कारणं कथिन धाःगु खः ।

“कथति अकिच्छे न जीवतीति कथिनो । कथिनो बियाति कथिन” थये दिनय टीका उपमा तद्धित विग्रह पालि अनुसारं घना जंगलय् छमा जक हुया वःगु तःमागु सिमाथे, बल्लागु हानं ठोस दुगु कारणं कथिन धाःगु जुल ।

“कथीयते सीलागते बुद्धादीहि वा कथिनं” थुगु वचन विग्रह पालि कथं दिनय कर्मया नियम कथं तथागत सम्यक् सम्बुद्ध निसे कया, सकल आर्य्यपिसं साधु साधु साधु धका प्रशंसा याना बिज्याःगु कारणं कथिन शब्दय् अनर्थ कथिन अर्थ मखु । सार्थक कथं हे कथिन खः, भन्ते !

प्रश्न—३ उगु कथिनया बारय् स्वयम तथागतं शिक्षापद उपदेश याना बिज्याःगु भिक्षुगु जनपद मध्यय् प्रदेश सहित्त वैशाली, आलवी,

कोशम्बी, श्रावस्ती, राजगृह, सक्क प्रदेश, भग्ग प्रदेश इत्यादि स्थान मय्य् गुगु देश्य् प्रज्ञप्ति उपदेश याना बिज्याःगु, आवुसो ?

उत्तर—“तेन खो पन समयेन दुद्धो भगवा सावत्थियं विहरति जेतवने अनाथपिण्डकस्स आरामे” इयादि विनय महावग्ग पालि कथं अनेक गुणं युक्तगु श्रावस्ती नगरया जःपाखे क्वेद्धि तापागु जेतकुमारया वनय् अनाथपिण्डकं न्येष्यंगु कोटि खर्च याना विहार दान बिल । उगु जेतवन विहारय् विहार याना बिज्याना च्वंगु बखते, थुगु कथिनक खण्डक विनय शिक्षापद तथागतं प्रज्ञप्ति याना बिज्यात, भन्ते !

प्रश्न-४ कोशल देश श्रावस्ती नगरय् जेतकुमारया दानं निर्मित जूगु जेतवन विहारय् उपदेश बिया बिज्याःगु मनुज्यपिनि, शाक्यपिनि, देवतापिनि, ब्रह्मापिनि, मुनिपिनि व लोकया गुरु सर्वज्ञ तथागतं विना कारण उपदेश याना बिज्याःगु ला ? थ्व कथिन कर्म गुम्ह स्थविरया कारणय् उपदेश याना बिज्याःगु खः, आवुसो ?

उत्तर—“तेन खो पन समयेन तिसमत्ता पावेय्यका भिवखु सब्बेहेव अरञ्जिका” थये विनय महावग्ग पालि कथं पावेय्यक देशं बिज्याःपिं स्वीम्ह भद्रवर्गीय भिक्षुपिं गुपिं सकलें अरञ्ज वास याना बिज्याःपिं श्रोतापत्ति, सकृदागामी, अनागामी व किंस्वंगू धूतङ्ग धारण याना च्वंपिं भिक्षुपिनिगु कारणय् थुगु कथिन खण्ड व विनय शिक्षापद तथागतं प्रज्ञप्ति याना बिज्याःगु खः, भन्ते !

प्रश्न-५ थुगु कथिन कर्मय् विना घाः मजुइकं वैद्यं वासः बी मखुथें वैद्य समाम जुया बिज्याकम्ह तथागतं विना कारण मवयेकं विनय

शिक्षापद दयेका विमज्ज्याःगु जुया भगवान बुद्धं गुपिं भिक्षुपिनि  
कारणय् थ्व कथिन कर्म प्रज्ञस याना बिज्याःगु खः, आवुसो ?

उत्तर—“अथ खो ते भिक्खु तेमासच्चयेन वस्संवुट्ठा पवारणाय देवे  
वस्सन्ते उदक सङ्गहे उदक चिक्खल्ले ओघपुण्णेहि चीवरेहि” इत्यादि  
विनय महाव ग पालि कथं; उपिं पावेय्यक निवासी स्वीम्ह भद्रवर्गीय  
भिक्षुपिसं तथागत दर्शन यायेत पावां श्रावस्ती बिज्याना च्वंगु इलय्  
वर्षावास सत्तिक थ्यंकः वःगुलिं श्रावस्ती थ्यंकः वने मफुत । श्रावस्तीं  
हेगु योजन तापाःगु शाकेत नगर दु । उगु नगरय् तथागत दर्शन  
यायेगु आशां ‘पुरिम वस्सं’ न्हापांगु वर्षावास च्वना बिज्याये माल ।  
वर्षावास सिधयेका स्वीम्ह भद्रवर्गीय भिक्षुपिं तथागत नाप लायेगु  
अभिलाषां याकनं हे श्रावस्ती पाखे प्रस्थान जुल । वर्षावास सिधये  
धुंकूगु कारणय् लँय् तःसकं वा वःगुलिं चीवर भ्यातनाः व चां किना  
फोहर जुल । तथागतथा सम्मुखय् थ्यनेवं भ्यातनाः किना ज्वंगु  
अवस्था जुया च्वंसा नं तथागत दर्शन याये खना तःसकं लय्ताल तथा  
प्रसन्न जुल । तथागतं आगत्तुक भिक्षुपिं लिसे... “किंचित्थ भिक्खवे  
कुसला, किंचित्थ अनामया” इत्यादि खँ शुरू याना कुशलवार्ता  
खँ ल्हाना बिज्यात । स्वीम्ह भद्रवर्गीय भिक्षुपिसं लँय् थःत कष्ट जूगु  
खँ निवेदन यायेवं भगवानयात तःसकं करुणा वन । अले थः शिष्य-  
पिनिगु भिं जुइगु स्वया तथागतं... “अनुजानामि भिक्खवे वस्सं  
वुट्ठानं कथिनं अत्थरित्तुं, अत्थतं कथिनानं वो भिक्खवे पञ्च  
कप्पिस्सन्ति ।” थुगु रूपं धया बिज्याना कथिन कायेगु अनुमति  
बिज्या बिज्यात, अस्ते !

प्रश्न-६ “कथिनस्स अत्थारकालो जानितब्बो” थुगु पालि कथं कथिन दान बीगु ई सीकेमाःगु आवश्यक दु । उकिं गुगु इलय् कथिन दान बीगु खः, आवुसो ?

उत्तर—“वस्सानस्स पच्छिमो मासो जानितब्बो” थ्व बुद्ध वचन कथं आश्वीन पुन्हीया कन्हे खुनु नित्से कार्तिक पुन्ही तक लच्छिया दुने कथिन दान द्रिया कथिन कर्म याये फु, भन्ते !

प्रश्न-७ “कतीहि अंगेहि समन्नागतो पुग्गलो भम्मो कथिनं अत्थरित्तुं” थये परिवार पालि प्रश्न वाच्ययात तथागतं आज्ञा जुया बिज्यात । थुगु परिवार पालिया प्रश्न वाच्य कथं गोगू किशिमया गुणं युक्त व्यक्ति कथिन ग्रहण याये फु, आवुसो ?

उत्तर—“अट्ठहि भिक्खवे अङ्गेहि समन्नागतो पुग्गलो भम्मो कथिनं अत्थरित्तं ।” थये परिवार विसज्जना पाली धया तःगु कथं च्यागू प्रकारया नियमं युक्तम्ह भिक्षुयात जक कथिन दान ग्रहण याना कथिन कर्म यायेगु अधिकार दु, भन्ते !

प्रश्न-८ “कतमे हि अट्ठहि अङ्गेहि सम्पन्नागतो पुग्गलो भम्मो कथिनं अत्थरित्तुं” थये परिवार पालि प्रश्नाबली कथं च्यागू किशिमया गुणं युक्तम्ह व्यक्ति जक कथिन दान ग्रहण याये फु । थुकी सुं व्यक्ति नं च्यागू किशिमया गुणं युक्त मज्जुल धाःसा कथिन दान ग्रहण याये फइ मखु । छु छु च्यागू किशिमया गुणं युक्त व्यक्ति कथिन दान ग्रहण याये फइ, आवुसो ?

उत्तर—“पुब्ब करणं जानाति, पच्चुद्धार जानाति, अधिट्ठानं जानाति, अस्थारं जानाति, मातिकं जानाति, आनिसंस जानाति, पल्लिब्बोधं

जानाति, उद्धारं जानाति, इमेहि अट्ठहि अङ्गैहि समन्नागतौ पुग्गलो भग्गो कथिनं अत्थरित्तं” थये परिवार पालि कथं पूर्व कार्य, पब्बुद्धार, अधिष्ठान, अत्थार, मात्तिका, पलिबोध, उद्धार व आनिसंस थुगु च्यागू प्रकारया नियम स्यूम्ह भिक्षुयात् जक कथिन कर्म कथिन दान ग्रहण थायेगु अधिकार दु, भन्ते !

प्रश्न-९ “कथिनस्स कत्तीहि मूलानि” थये परिवार पालि प्रश्नावली कथं गुगु वस्तु कथिन दानया मूल खः, आवुसो ?

उत्तर—“कथिनस्स एकं मूलं संघो” महावग्ग पाली धया तःगु कथं भिक्षु संघ हे छगू जक कथिनया मूल खः, भन्ते !

प्रश्न-१० “कथिनस्स कत्तीहि वत्थूहि” थये परिवार पालि प्रश्नावली कथं त्रि-चीवर आदि गुंगू प्रकारया चीवर मध्य्य् गुगु चीवर कथिन दानया वत्तु जुइ फइ, आवुसो ?

उत्तर—“तीणि वत्थूनि संघाटी; उत्तरासंगो, अन्तरवासको” थये परिवार पालि कथं गुंगू प्रकारया चीवर मध्य्य् संघाटी, उत्तरासंग व अन्तर-वासक थुगु स्वंगू कथिन वस्तु जुइ फु, भन्ते !

प्रश्न-११ “कथिनस्स भूमियो” थये परिवार पालि प्रश्नावली कथं कथिनया मूल कापः गोगू प्रकारया दु, आवुसो ?

उत्तर—“छ भूमियो खोमं, कप्पासिहं, कोसेत्थं, कम्बलं, साणं, भङ्ग” थये परिवार पाली धया तःगु कथं खोम धयागु कां बने जूगु वस्त्र, कपाच्चं बने जूगु वस्त्र, रेशमया कां बने जूगु वस्त्र, नालु इत्यादि न्यागू प्रकारया कां बने जूगु वस्त्र थये कथिन भूमि जातिभेद ल्याखं खुगू प्रकारं दु, भन्ते !



प्रश्न-१२ “कथिनस्स को आदि किं मज्जे किं परियोसानं” थये परिवार पालि प्रश्नावली कथं कथिन दानय् आदि मय्य अन्त याये योय्य छु छु ज्या खः, आवुसो ?

उत्तर—“कथिनस्स पुब्बकरणं आदि क्रिया मज्जे अत्थारो परियोसानं” थये परिवार पालि कथं हीगु, चायेगु, सुइगु, ह्वनेगु, तयार घायेगु, रग छीगु, कप्पविन्दु त्रेगु, थये न्हेगू प्रकारया पूर्वकर्म, पन्चुद्वारण यायेगु, अधिष्ठान यायेगु, म ययागु कर्म हानं म्हुतुं घायेगु कथिन दान कर्मया अन्तिम कर्म खः, भन्ते !

प्रश्न-१३ “कतमेसं पुग्गलानं कथिनत्थाय रूहन्ति” थये परिवार पालि प्रश्नावली कथं कथिन कर्मया फल गुलि भिक्षुपिन्त लाभप्रद जुइ फइ, आवुसो ?

उत्तर—“तिण्णं पुग्गलानं रूहन्ति कतमेसं तिण्णं सीमट्ठो अनुमोदति, अनुमोदेन्तो वाचं भिन्दति, वाचं भिन्दन्तो परं विञ्जापेति इमेसं तिण्णं पुग्गलानं कथिनत्थाय रूहन्ति” थये परिवार पालि कथ सीमाया दुने दुपिं भिक्षुपिं, वचनं धया अनुमोदन याइपिं भिक्षुपिं, वचनं धया मेपिं भिक्षुपिन्त नं धायेकीपिं भिक्षुपिं, थुपिं स्वंगू प्रकारया भिक्षुपिन्त कथिन दान कर्मया आनिसंस फल प्राप्त जुइ, भन्ते !

प्रश्न-१४ “कथिनत्थाय के लभन्ति के नलभन्ति” थये तथागतया वचना-नुसार अट्ठकयाचार्यया कथनानुसारं थुगु कथिन दान गुलि भिक्षुपिन्त प्राप्त जुइ फइ, गुलि भिक्षुपिन्त प्राप्त जुइ फइ म्खु, आवुसो ?

उत्तर—“गणवसेन ताव पच्छिम कोटिया पञ्चजना लभन्ति । उद्धं सत  
सहस्रस्मि” थये अट्ठ कथा पाली थया तःगु कथं कम से कम न्याम्ह  
भिक्षुपिं, आपालं आपाः न्ह्याक्को हे दुसां कथिन दान बी ज्यू, भन्ते !

प्रश्न—१५ कम से कम न्याम्ह आपालं आपाः अनगित्तियत्त कथिन दानया  
फल प्राप्त जुइ । थुकी मध्यय् कम से कम न्याम्ह, न्याम्हं कम जुइव  
कथिन दान कर्म याये फइ मखु । गोगू प्रकारया भिक्षुपिन्त कथिन  
कर्मया फल प्राप्त जुइ फइ मखु, आवुसो ?

उत्तर—“बुट्ठ वस्स वसेन, पुरिमिकाय वस्सं उपगन्त्वा पठम पवारणाय  
पवारिता लभन्ति” थये महावग्ग पालि सफू कथं गृज्मत्तुया आषाढ  
पुन्ही धुंका, पारुवुनु नित्तं छगू विहारय् वर्षावास याइम्ह ‘पुरिमवस्स’  
प्रथम वर्षावास याइपिं भिक्षुपिन्त कथिन दान ग्रहण याना कथिन  
कर्म याये फु, भन्ते !

प्रश्न १६— पुरिमवस्स प्रथम वर्षावासं छुटे जुया पवारणया दिनय्  
पवारणा याइपिं भिक्षुपिसं कथिन दान ग्रहण याना कथिन कर्म  
याये फु । थुगु कथिन कर्मय् “कथिनं पन केन दिन्नं वट्टति” थये  
अट्ठकथाचार्य प्रश्न याःगु अनुसारं सुनां सुनां ब्यूगु चीवरं कथिन  
याये ज्यू, आवुसो ?

उत्तर—“येन केनचि देवेन वा मनुस्सेन वा पञ्चन्नं वा सहधम्मिकानं  
अञ्जतरेन दिन्नं वट्टति ।” थये अट्ठकथा कथं देवता, मार, इन्द्र  
न्ह्याम्ह हे जुयेमा थःगु श्रद्धा कथं बिये ज्यू ।

यदि भिक्षुगु ब्रह्मलोक मध्यय् सुब्रह्मा वा भिक्षु, भिक्षुणी,  
श्रामणेर, श्रामणेरी, शिक्षमान थुपिं न्याम्ह सहधम्मिक सब्रह्मचारी-

पितं श्रद्धां ब्यू चोवर जुइमा, न्ह्याम्ह हे व्यक्ति श्रद्धां ब्यू चोवरं कथिन कर्म याये फु, भन्ते !

प्रश्न-१७ मनुज्य, देवता, ब्रह्मा, शिक्षापद धारण याइम्ह भिक्षु, भिक्षुणी, श्रामणेर, श्रामणेरी व शिक्षमान थये न्याम्ह सहधम्मिक व्यक्तिपि म यय् न्ह्याम्ह हे व्यक्तिया श्रद्धां ब्यू चोवरं कथिन दान याये फु । उकी गये धया ब्यू चोवर कथिन दान कर्म याये ज्यू, आवुसो ?

उत्तर—“इमं कथिन चीवरं भिक्खु संघस्स देम ति वट्टब्बं” थये विनय-लङ्कार टीका सफुती धया तःगु कथं ‘इमं कथिन चीवरं भिक्खु संघस्स देम’ थुगु प्रकारं धया ब्यू चोवर जक कथिन कर्म याये ज्यू, भन्ते !

प्रश्न-१८ “इमं कथिन चीवरं भिक्खु सङ्घस्स देम” थये धया ब्यू चोवरं कथिन दान कर्म याये फु । थुकी “कथिन पन केन अत्थरित्तब्बं” पालि कथं सुनां कथिन चीवर ग्रहण याना कथिन कर्म याये फु, आवुसो ?

उत्तर—“यस्त सङ्घो देति” थये अट्ठकथा पालि कथं भिक्षु संघं गुम्ह भिक्षुदात बी व हे भिक्षुं कथिन दान चीवर ग्रहण याना कथिन कर्म याये फु, भन्ते !

प्रश्न-१९ “संघेन पन कस्स दातब्बं” थये अट्ठकथा पालि कथं भिक्षु संघं कथिन चीवर गुम्ह भिक्षुयात बी ज्यू, आवुसो ?

उत्तर—“यो जिण्ण चीवरो होति” थये अट्ठकथा कथं गुम्ह भिक्षुया चीवर मवु, चीवर तःसकं हे भ्वायः जुइ धुंक्ल तथा पुने लाइक मज्जुइ धुंक्ल, यदि महास्थविरया इच्छा दत्त धाःसा उम्ह चीवर मवुम्ह भिक्षुयात नं चीवर बी ज्यू, भन्ते !

प्रश्न—२० गुम्ह भिक्षुयाके चीवर मंडु उम्ह भिक्षुयात बी ज्यू । थ्व कथनं कथं थुगु सिमाय् भिक्षु सङ्घया बिच्चय् गुम्ह चीवर अलाभम्ह खः, आवुसो ?

उत्तर—सीमा गृह दुने मुना च्वंपिं भिक्षु संघपिन्त पूर्व जन्मया पारमिया कारणं सुं गुम्ह भिक्षुया नं चीवर अभाव मजू, भन्ते !

प्रश्न—२१ थये संसार चक्रय् कमाय् याना तःगु पुण्य दुम्ह पारमि पूर्ण जूगु कारणं कुम्ह भिक्षुपिं गरीब तथा चीवर अलाभम्ह मजू । अये जूसा गुम्ह भिक्षुयात कथिन चीवर दान बीगु, आवुसो !

उत्तर—“बुद्धं स दातव्वं” थ्व पालि शब्द कथं संघया नायो, गुम्ह थ्व विहारय् वर्षावास याना बिज्यात उम्ह महास्थविरयात हे बी कु, भन्ते !

प्रश्न—२२ सिमाय् बिज्याइपिं भिक्षुपिं मध्यय् गुम्ह महास्थविर धका गथे सीकेगु, आवुसो ?

उत्तर—“अज्ञावन्त सिक्खाकाम लज्जिपेसल” इयादि गुण युक्त जूगु कारणय् थुगु थासय् नेालय् प्रसिद्धम्ह थुगु इलाकाया भिक्षुपिन्त शरण बीम्ह, हानं नीगू वर्षावासं अधिकम्ह प्रज्ञानन्द महास्थविर जुया च्वन, भन्ते !

प्रश्न—२३ थुम्ह प्रज्ञानन्द महास्थविर जुलसां न्हापा घया वयागु “अऽठहज्जे हे समन्नागतो” इयादि पालि कथं सफागु, याना तःगु, सुया तःनु, रंग छिन्ता तःगु कण्विन्दु तथा तःगु, इयादि न्हेगू पुब्ब करण तथा पच्चुद्धार कर्म, अधिष्ठान कर्म थये कथिन दान कर्मया

नियम कथं द्वेमातिका च्यागू प्रकारया उद्धार, न्यागू प्रकारया आनिसंस आदि कथिन दान कर्मयात सहिरूपं स्यून्ह च्यागू गुणं पूर्ण जूह खः ला, आवुसो ?

उत्तर—त्रिपिटक तथा परिधत्ति धर्मस्कन्धयात बारंबार दोहरे याना अध्ययन याःम्ह भन्ते जूगु कारणं थुतिघोष सद्वकीत्ति पूर्ण जूगुलिं च्यागू लक्षणं पूर्ण जुया च्चंगु दु, भन्ते !

प्रश्न-२४ “बुद्धे सुपि यो महापरिसो तदहेव चीवरं कत्वा अट्ठरितुं सक्कोति, तस्त दातब्बं” थये अट्ठकथा पालि कथं गुम्ह महास्थविरयाके परिवार शिष्यपिनिगु पाखें पूर्ण जूगु कारणं उगु कथिन दान बीगु दिनय् हे कथिन कर्म जुइगु कापः यच्चुक हिया चाना सुया रंग छिना कप्पविन्दु तथा इत्यादि न्हेगू पूर्व कर्म याये फुम्ह उम्ह महास्थविरयात कथिन दान बी फु । महास्थविरं नं कथिन दान योग्य चीवरयात उखुनु दिनय् हे चायेगु इत्यादि न्हेगू प्रकारया पूर्व कर्म याना कथिन कर्म यायेफु ला, आवुसो ?

उत्तर—सुइगु ज्या पूरा जू, रंग छीगु ज्या पूरा जूगुलिं थ्व कथिन दान कर्मय् प्रयोग यायेगु चीवरय् छुं नं ज्या बाकि मन्ते, भन्ते !

प्रश्न-२५ सुइगु, रंग छीगु ज्या मज्जिनिसा भिक्षु संघं मद्दत याये फु । थुपिं भिक्षुपिं म यय् थेर, नव तथा मज्जिम म यय् गुम्हसिनं मद्दत बी फु, आवुसो ?

उत्तर—“अहं थेरोति वा बहुस्सुतोति वा एकेनपि कातुं न लभति” थये अट्ठकथा पालि कथं थेर, नव, मज्जिम भिक्षुपि म यय् सुं छम्ह नं अलग तये मज्जू । थुगु संसारं गिन्ति याना यंकल धाःसा छगू लाख

कल्प न्हापा जन्म जुया बिज्याःम्ह पप्रोत्तर नां जुया बिज्याःम्ह सम्यक् सम्बुद्धया अग्रश्रावक एतद्वग प्राप्तम्ह सुजात भन्ते अरहन्त महास्थविरं कथिन चीवर ग्रहण याना बिज्यात । हानं स्वयम् मुनीन्द्र तथागतं थ्व संसारम् 'जि हे बृद्ध खः' थये उपेक्षा मयाःसे ख्वीञ्च्यागू लाख भिक्षुपिं नापं स्वयं थ्व कथिन कर्म याना बिज्यात । उकिं थ्व सभाय् जि हे गणवाचक खः । जि हे गण आचार्य खः । जि हे सूत्रधर खः । जि हे थकालिम्ह महास्थविर खः थये सुनां नं धया ग्रहण याना काये मज्यू, बी मज्यू, भन्ते !

प्रश्न-२६ "कथिनं नाम अति उक्कट्ठं वट्टति मातरम्मि विञ्जापेतुं न वट्टति । आकासतो ओतिण्ण सदिसमेव वट्टति ।" थये अट्ठकथा पालि कथं थुगु कथिन दान कर्मय् प्रयोग याइगु चीवर अति उक्कट्ठ तःसकं श्रेष्ठ खः । पवारित जाति मद्दु, मां-बौपिके नं पवने मज्यू । थये विञ्जापति परिकथा ओभास निमित्त जक निमित्त याये मज्यू । आफै आफ आकाशं कुतुं वःगु लःथे पवित्र स्वच्छ चीवरं कथिन दान कर्म यायेमाः । थ्व कथिन कर्मय् प्रयोग याइगु चीवर छु उपरोक्त कथन कथं पवित्र खः ला, आवुसो ?

उत्तर—सुं भिक्षुं नं विञ्जस्ति परिकथा ओभास निमित्त मयाः । उकिं आकाशं कुतुं वःगु लःथे पवित्र तथा सफागु खः, भन्ते !

प्रश्न-२७ "तन्त वाय गेहतोहि आभतसन्ताने नेव खलिं मक्खित साटको न वट्टति । मलित साटकापि न वट्टति" थये अट्ठकथा कथं याना छे हःगु धोटिये जाःगु कापः मः आपाः दुगु कारणं तःसकं कारा कारा च्चंगुलिं पुने यो-य मद्दु । हानं उगु न्वःगु कापतं कथिन कार्यं थये

मज्जू । उकिं आः जुइ त्यंगु कथिन दानय् प्रयोग याइगु चीवर  
उपरोक्त दोषं मुक्त जू ला, आवुसो ?

उत्तर—छको हे मह्यू गुलि कठिन दानय् प्रयोग याये ज्यूगु चीवर पवित्र  
तथा शुद्ध खः, भन्ते !

प्रश्न—२८ “न अनुवातमत्तेन न परिभण्डमत्तेन” आदि कथं न्यागू खण्ड  
न्हेगू खन्ध इयादि चाना ह्वना मतःगु प्यखें पत्ति तथा मतःगु चीवर  
कथिन दान कर्मय् प्रयोग याये मज्जू । उकिं थौं जुइगु कथिन दानय्  
प्रयोग याइगु चीवर न्यागू खन्ध न्हेगू खण्ड इत्यादि खन्ध याना (टुक्रा  
याना) प्यखेरं पत्ति तथा दयेका तःगु खः ला, आवुसो ?

उत्तर—न्यागू स्कन्ध न्हेगू स्कन्ध इत्यादि दिनय कर्म कथं याना, प्यखेर नं  
पत्ति तथा तये धुंकूगु कारणं थ्व कथिन दानय् ब्यूगु चीवर कथिन कर्म  
जू, भन्ते !

प्रश्न—२९ “एक वारं एव रजनं पक्खित्तेन दन्त वण्णेन पण्डुपना सवण्णेन  
वा” थये अट्ठकथा पालि कथं छगू बार जक छिना तःगु चीवर  
जूगुलि रंग बांलाइ मखु, सारूप जुइ मखु, ठीक जुइ मखु । किसिया  
दन्तथे जाःगु रंग छिना तःगु चीवर कथिन जुइ फइ मखु । उकिं आः  
जुइ त्यंगु कथिन दानय् प्रयोग याइगु चीवर गुजाःगु खः छु सारूप  
चीवर जू ला, आवुसो ?

उत्तर—छको जक छिना तःगु मखु, बांलाक हे रंग छिना तये धुंकूगु जुया  
थ्व सारूप चीवर जू, भन्ते ।

प्रश्न—३० “न अञ्जत्र संघातिया अत्यंतं होति” थये पालि कथं गुंगू  
प्रकारया चीवर मध्य्य अन्तरवास, उत्तरासङ्ग व संघाटि युपिं स्वयु

चीवर जक कथिन दानय् प्रयोग याये ज्यू । आः कथिन कर्मय् हःगु उगु स्वः। चीवर मःयय् दुःथाःगु खः ला, आवुसो ?

उत्तर—स्वपू चीवरय् दुःथाःगु कारणं कथित चीवर योःय खः, भन्ते !

प्रश्न-३१ “न ताव कालिकेन अत्यत्तं होति” इत्यादि पालि कथं न्हापा धया वयागु मनुज्य, देवता, ब्रह्मा, भिक्षु, भिक्षुणी, श्रामणेर, श्रामणेरी, शिक्षमान इत्यादिपिं मःयय् सुं ध्यत्ति पाखें श्रद्धां ध्यूगु तावकालिक मज्जुगु चीवरं हे जक कथिन दान कर्म जुइ । उकिं थ्व कथिन दानय् प्रयोग याइगु चीवर तावकालिक मखु ला, आवुसो ?

उत्तर—श्रद्धां ध्यूगु खः । उकिं तावकालिक मखु, भन्ते !

प्रश्नकर्तां हे धायेगु :—

साधु ! साधु !! साधु !!! आयुष्मान थुजागु हे उपरोक्त धर्म युक्त जूगुलिं तःसकं बांलागु खः । विञ्जुपसन्न युत्ततर धार्मिक चीवर जूगुलिं भिक्षु संघं सुं गुम्ह भिक्षुयात जत्ति दुतीय कर्म वाचाद्वारा उपचार सिमा गृह्या दुने हे जक कथिन दान कर्म यायेमाः । थ्व कथिन दान कर्म प्राप्त याइम्ह विहारय् फागुन पुन्हीया दिन तक न्याला कथिन दान याइगु दिनय् न्याला तक न्यागू कथिन आनिसंस भिक्षु संघपिन्त प्राप्त जुइ, आवुसो !

— अनु० भिक्षु बुद्धघोष



# देवराज इन्द्र व चतुर्महाराज देवतापिनि दधुइया छलफल

[देवतापिन्त आह्वान यायेवं देवराज इन्द्र व चतुर्महाराज देवतापिं कथिनोत्सव्य उपस्थित जुल । अले थुपिं देवतापिसं छु गथे छलफल यात, छु गथे धाल थन प्रस्तुत जूगु दु ।

थुगु धार्मिक परम्परागत नृत्याभिनय इन्द्र जुया श्री धनकाजी शाक्यं, धट्ठरट्ठ जुया श्री पूर्णमान शाक्यं, विरूहक जुया श्री राज शाक्यं, विरूपक्ष जुया श्री राजेश अवालें, कुबेर जुया श्री सानुराजा शाक्यं बांलाक प्रशंसनीय कथं प्रस्तुत या:गु जुल ।]

## देवराज इन्द्र

Dhamma.Digital

नमो तस्स भगवतो अरहतो सम्मासम्बुद्धस्स

चिरं तिट्ठतु सद्धम्मो—

शाक्यकुलय् जन्म जुया पीन्यादँ तक धर्म उपदेश बिद्या बिज्या:म्ह सम्यक् सम्बुद्धया सद्धर्म दीर्घकाल तक चिरस्थायी जुइमा: ।

साधु ! साधु !! साधु !!! — सकल देवतापिसं धाइ ।

प्यंगू महाद्वीपया दधुइ महामुमेरू पर्वत दु । सुमेरू पर्वतया लिक्क हे चतुर्महाराजापिनिगु राजधानी दु । थन प्यंगू लोकपालया देवराजाया मात्तिक प्रायतिश बिलोकया जुजु, नन्दा पुस्करिणी, वेजयन्ता प्रसाद,

एरावण किस, मातलि, विश्वकर्मा, तेज, जवन देवतापिनि अधिपति, कल्पवृक्ष, हीरां दयेका तःगु बन्धु कम्बल्य् ज्ञाना सुधर्मा देवतापिनि सभायात सम्बोधित याइम्ह वजीर शास्त्रया इच्छानुसार प्रयोग याये फुम्ह जि ! जिगु नां इन्द्र शक्रराज खः ।

भगवान् सम्यक् सम्बुद्धया जन्मभूमि नेपाल देशय् सद्धर्मय् विश्वास तइपिनिगु छगू कथिन दान समारोह जुया च्वंवन । भगवान् बुद्धया महापरिनिर्वाण स्थान कुशीनगरं बिज्याकम्ह भिक्षु ज्ञानेश्वर भन्तेनं जितः आमन्त्रित याना बिज्यात । वसपोलया कथिन दान समारोहय् धर्म श्रवण याना पुष्यया भागी जु । हानं उगु कथिन समारोहय् बिज्याःपिं देवता व उपासक उपासिकापिं सकसिगुं रक्षा याये माल धका आदेश नं बिद्या बिज्यात । जि वसपोलया निमन्त्रणा स्वीकार याना थुगु समारोह स्थलय् दया च्वना । छलपोलपिं सकसिनं शान्तिपूर्वक धर्मश्रवण याना बिज्याःहुं हानं दान याना बिज्याहुं । जिं प्यंगू लोकपाल देवतापिनि नं आदेश बिद्या च्वना । पूर्व दिशाया विचः याना च्वंम्ह गन्धर्व देवजाति देवतापिनि जुजु हे धट्ठरट्ठ, प्यंगू लोकपाल देवराजा छपिसं जिगु खं न्यना बिज्याहुं । सुमेरु पर्वतं हीराथे जाःगु जः बीगु गुम्बन्ध देवकुलया देवतापिनि जुजु हे विरूह्लक प्यंगू लोकयात देवराजा, नवरत्नया प्रकाशं युक्त जः बीम्ह पश्चिम दिशाया नाग देवजातिया अधिपति हे विरूपक्ष देवराजा, हानं लुंया रंगं ज्वाल्ल थीगु जः बीम्ह उत्तर दिशाया यक्ष देवतापिनि अधिपति हे कुबेर राजा जिगु खं न्यना बिज्याहुं ।

जाति, आज्ञा व विषय धयागु स्वंगू प्रकारया युगय् अनेक गुणं युक्तम्ह अकुत्त तःथंगु ऋद्धि कुम्ह महामुनि भगवान् सम्यक् सम्बुद्धया धर्मोपदेश

अनुसारं महापरिनिर्वाण कुशीनगरं बिज्याकम्ह भन्ते ज्ञानेश्वर महास्थविरं कथिन दान बिया बिज्याना च्वन । नेपाली भिक्षु महासंघया संघनायक भिक्षु प्रज्ञानन्द महास्थविरं कथिन दान संघया निंतिं प्रतिनिधि जुया ग्रहण याना च्वना बिज्यात । लिसें हे नेपाःया श्रद्धालु उपासक उपासिकापिं कठिन दान ज्ञाति कर्मयात ठीक कथं जुइकेत सहभागी जुया च्वन ।

थुगु सांघिक महाकथिन दान समारोह स्थल्य् छलपोलपिं बिज्याहुं । छलपोलपिसं अन छुं अप्रिय घटना जुइके मय । ब्याक्क सुविधा दयेका ब्यु । छलपोलपिं अन च्वना अपूर्व कथिन दान उत्सव स्वया बिज्याहुं । कथिन उत्सवया सम्बन्धित महत्वपूर्ण खंत शान्तिपूर्वक न्यन बिज्याहुं । थुगु कथिन सभाय् बिज्याकपिं भिक्षु संघ, श्रद्धालु उपासक उपासिकापिन्त नं दया, मैत्री, करुणा, मुदिता तथा रक्षा याना बिज्याहुं । सद्धर्म बांलाक न्यना बिज्याहुं ।

प्यंगुलिं दिशाया रक्षा याइपिं प्यंगू लोकपाल महादेवराजा हे धट्ठरट्ठ, विरूळ्ळक, विरुपक्ष व कुबेर देवराजापिं !

प्यम्ह लोकपाल देवताय् पूर्वया लोकपाल देवता धट्ठरट्ठ

नमो तस्स भगवतो अरहतो सम्मासम्बुद्धस्स

विरं तिट्ठतु सद्धम्मो

शाक्यकुल्य् जन्म जुया पीन्यादं तक उपदेश बिया बिज्याकम्ह महा-कारुणिक भगवान् सम्यक् सम्बुद्धया सद्धर्म दीर्घकाल तक रक्षा जुइमा !

साधु ! साधु !! साधु !!!— सकल देवतापिसं धाइ ।

भो सत्पुरुष देवतापिं, आर्य भिक्षु संघ श्रद्धालु उपासक उपासिकापिं श्रीमण्डल पर्वतय् चत्रय् चत्रनीम्ह, पूर्व दिशाया गन्धर्व देवतापिन्त विचाः घाइह, सुदर्शन अयुष्मत्पुर अमरावती राजधानीया स्वामी, न्याम्ह शिखर देवता, जवन देवता, विमुकर्म देवतापिनि सहयोगी, इन्द्र देवराजाया दूत जिगु नां खः, धट्ठरट्ठ प्यंगू लोकपाल देवराजा ।

भगवान् सम्यक् सम्बुद्धया जन्मभूमि नेपाल देशय् सद्धर्मय् विश्वास तइपिनिगु छगू कथिन दान महोत्सव जुया चवं चवन । भगवान् बुद्धया महापरिनिर्वाण भूमिं बिघाकम्ह भन्ते ज्ञानेश्वरं जितः आमन्त्रित याना बिज्यात । वसपोलय् कथिन दान उत्सवय् धर्म श्रवण याना पुण्य कमाये याना बिज्याहुं । समारोहय् बिज्याइपिं फुक्क सत्पुरुषपिनि सुरक्षा व्यवस्था याना बिज्याहुं । थुजागु हे इन्द्र महाराजाया आदेश न्यना जि थुगु सभाय् वया च्वना ।

पूर्व दिशाय् च्वंपिं भो गन्धर्व जातिया देवतापिं, छलपोलपिसं पूर्व दिशाय् जुइगु ब्याक्क अप्रिय घटनायात थौं ८ कौलागाः १०९९ शनिवार खुनु जुइका बिज्याके मत्थ । कथिन दानया पवित्र समारोहय् बिज्याना सद्धर्म न्यना बिज्याहुं । इज्या व मात्सर्य जाःगु मनयात तापाका कथिन उत्सवय् भाःपिं बिज्याकपिं सकलयात रक्षा याना बिज्याहुं । थुगु कथिन उत्सवय् जिपिं गन्धर्व जातिया प्राणीपिं महाकुशल उक्कट्ठजात चित्त तथा उपिं सत्पुरुषपिनिगु दानयात यथाशक्ति सहायता याना बिज्याहुं । अतुल परम महाकारुणिक सम्यक् सम्बुद्धयागु सद्धर्म नं न्यं । थये जिमि अधिपति फुक्क देवतापिनि स्वामीं आज्ञा जुया बिज्याःगु खः । थुगु आज्ञा पालन याना बिज्याहुं । हानं शान्तिपूर्वक थुगु कथिन दानय बिज्याइपिं

सकलया सुरक्षा याना बिज्याहूँ । भीसं सकल दिशाय् निवास याना  
च्वंपिं देवतापिं लिसे मिले जुया थुगु कथिन समारोहयात सफल याये  
माःगु जुल ।

भो प्यगू दिशाय् निवास याना बिज्याइपिं देवतापिं, हानं लोकपाल  
मित्र देवराजा विरूळ्ळक, विरूपक्ष, कुबेर महाराजापिं... कठिन उत्सव  
समारोह बांलाक सफल याना बिज्याहूँ ।

## दक्षिण दिशाया लोकपाल देवता विरूळ्ळक

नमो तस्स भगवतो अरहो सम्मासम्भुद्धस्त

चिरं तिठ्ठतु सद्धम्मो

शाक्यकुल्य जन्म जुया पीन्यादँ तक धर्म उपदेश बिया बिज्याकम्ह  
भगवान सभ्यक् सम्भुद्धया सद्धर्म दीर्काल तक चिररथायी जुइमा !

साधु ! साधु !! साधु !!! देवतापिं सकसितं धाइ ।

भो सत्गुरुष देवराजापिं, आर्य भिक्षु संघ, श्रद्धालु उपासक उपा-  
सिकापिं, श्रीमण्डल गिरि राजा पर्रतय् च्वय् निवास याइम्ह देवतापिनि  
अधिपति, द्वलंद्वः ज्ञान धारण याइम्ह, सुमेरू पर्रतं हीरायागु रंगया जः  
वीगु गुम्बन्ध देवजातिपिनि देवताया जुजु जि, जिगु नां खः, विरूळ्ळक  
चतुलोकपाल देवराजा ।

भगवान सन्यक् सम्भुद्धया जन्मभूमि नेपाल देशय् सद्धर्मय् विश्वास  
तइपिनि छगू कथिन दान समारोह जुया च्वं च्वन । भगवान बुद्धया महा-  
परिनिर्वाण स्थानं बिज्याकम्ह भन्ते ज्ञानेश्वरं आमन्त्रित याना बिज्यात ।  
वसपोल्लया कथिन दान समारोहय् धर्म श्रवण याना पुण्यया भागी जुया

बिज्याहूँ । सभाय् बिज्याइपिं फुक्क सत्तुरुषपिनि सुरक्षाया व्यवस्था याना बिज्याहूँ । थथे हे इन्द्र महाराजां नं आदेश बिद्या बिज्यात । थुगु आदेश न्यना जि थन वया ।

दक्षिण दिशाय् निवास याना बिज्याकम्ह गुम्बन्ध जातिया देवतापिं, छल्पोलपिसं थौं ८ कौलागाः १०९९ शनिवारखुनु दक्षिण दिशाय् गुगुं नं अप्रिय घटना जुइके मय । कथिन दान समारोह्य् बिज्याना सद्धर्म न्यना बिज्याहूँ । तथागत सम्यक् सम्बुद्धया उपदेश अनुसारं कथिन दान सभाया इलय् खुगू असाधारण, प्यंगू वैशारद्य अतुल परम भगवान तथागत भीगु न्हयोने दुयें च्वंक गुणांग धर्म लुमंका मनय् तथा दान याइपिं धर्म देशना न्यनीपिं फुक्क सत्तुरुषपिं व भद्रमहिलापिनि सुरक्षा याना बिज्याहूँ । स्वंगुलिं लोकया स्वामी महाकारुणिक सम्यह् सम्बुद्धयात नं प्रसन्न चित्तं श्रद्धा चित्तं न्यना बिज्याहूँ । थथे जिमि अधिपति फुक्क देवतापिनि स्वामी इन्द्रराजां आदेश बिद्या बिज्यात । उगु आज्ञा नं पालन याना बिज्याहूँ । भीपिं फुक्क दिशाय् नं निवास याना च्वंपिं देवतापिं मिले जुया थुगु पवित्र कथिन दान समारोह उत्सवयात सफल याये मा.गु जुल ।

भो प्यंगू दिशाय् निवास याना बिज्याकपिं देवतापिं... तथा लोकपाल देवराजा मित्र... धट्ठरट्ठ... विरूपक्ष... कुबेर देवराजापिं कथिन दान महोत्सव बांलाक सफल याना बिज्याहूँ ।

**पश्चिम दिशाया लोकपाल देवता विरूपक्ष**

नमो तस्स भगवतो अरहतो सम्मासम्बुद्धस्स

चिरं तिट्ठतु सद्धमो

शाक्यकुल्य् जन्म जुया पीत्यादं तक उपदेश बिया बिज्याकम्ह महा-  
कारुणिक भगवान् सम्यक् सम्बुद्धया सद्वर्म दीर्काल तक स्थायी जुइमा ।

साधु ! साधु !! साधु !!! सकल देवतापिसं धाइ ।

भो... सत्गुरुष प्यंगू लोकपाल देवतापिं, आर्य भिक्षु संघ, श्रद्धालु  
उपासक उपासिकापिं, नवरत्नया जलं थिना च्वंगु पर्वतया जुजु सुमेरु  
शिखरय् च्वनीम्ह नाग जाति देवतापिनि अधिपति जिगु नां खः विरूपक्ष ।  
पश्चिम दिशाया अधिपति प्यंगू लोकपालया देवराजा...

भगवान् सम्यक् सम्बुद्ध अतुल महामुनिया जन्मभूमि नेपाल देशय्  
सद्वर्मय् विश्वास तःपिसं छगू कथिन महोत्सवया आयोजना याना च्वन ।  
उगु सभाय् कुशीनगरं बिज्याकम्ह भन्ने ज्ञानेश्वरं आदर्णोय भिक्षु प्रज्ञानन्द  
महास्थविर प्रमुख नेपालया महाभिक्षु संघयात कथिन दान याना बिज्याइगु  
जुया च्वन । उगु कथिन दान सभाय् सम्मिलित जुयेत जितः नं आमन्त्रित  
याना बिज्यात । सद्वर्म श्रवण यायेगुया नाप नापं भन्नेन थुगु आदेश नं  
बिया बिज्यात कि सभाय् बिज्याइपिं सकसितं सुरक्षा याना बिज्याहुँ ।

पश्चिम दिशाय् निवास याइपिं भो... नाग जातिया देवतापिं,...  
छल्पोलपिं थुगु ८ कौलागाः १०९९ शनिवारखुनु पश्चिम दिशाय् छुं  
अप्रिय घटना जुयेके मत्य । कथिन दान महासभाय् वना सद्वर्मयात न्यं ।  
सकसिनं उगु कथिन दान सभाय् फुगु चाःगु ग्वाहालि याना बिज्याहुँ ।  
दान याइपिं, शील पालन याइपिं, भावना याइपिं, वेव्यावचव याइपिं,  
प्रतिदान याइपिं, पत्तानुमोदन याइपिं, धर्म श्रवण याइपिं, धर्म देशना  
याइपिं, दृष्टि ऋजु जुइपिं, पुण्यकर्म याइपिं सकलयात रक्षा यायेमाः ।  
स्वंगुलिं लोकया परम पूज्य महाकारुणिक सम्यक् सम्बुद्धया उपदेश नं न्यना

बिज्याहूँ । थये भी अधिपति इन्द्र आज्ञा जुया बिज्यात । भीपिं सकर्जे जाना थुगु कथिन समारोह सफल याये मा.गु जुल ।

भो, प्यंगुंजि दिशाय् बिज्याकपिं देवतापिं, लोकपाल देवराजा मित्र धृष्टरट्ठ, विरूळ्ळक, कुबेर देवराजापिं कथिन दान बांलाक सफल यांना बिज्याहूँ ।

### उत्तर दिशाया लोकपाल देवता कुबेर

नमो तस्स भगवतो अरहतो सम्मासम्बुद्धस्स  
चिरं तिट्ठतु सद्धमो

जम्बुद्वीपया जुजु शुद्धोदन महाराजाया कुल्य् जन्म जुया पीन्यादं तक धर्म देशना यांना बिज्याकम्ह महाकारुणिक भगवान् सम्यत् सम्बुद्धया सद्धर्म दीर्घकाल तक स्थायी जुइमा ।

साधु ! साधु !! साधु !!! फुक्क देवतापिसं धाड ।

भो सत्तुरुष प्यंगु लोकपाल देवराजापिं, आर्य भिक्षु संघ, श्रद्धालु उपासक उपासिकापिं, श्व हे मण्डलय् दुगु न्हेगु महासमुद्र व न्हेगु महापर्वया द्युइ लुंया रंगं छिंना तःस तं हे थिंना ध्वंगु उत्तर दिशाया यक्ष दे कुलया अधिकार दुःह जिगु नां कुबेर चतुलोकपाल देवता खः ।

भगवान् बुद्धया जन्मभूमि नेपाल देशय् सद्धर्मय् विश्वास तथा ध्वंपिसं छगु कथिन दान सभा समारोह यांना च्वन । भगवान् बुद्धया महापरिनिर्वाण भूमि कुशीनगरं बिज्याकम्ह भन्ते ज्ञानेश्वरं शाक्यसिंहं विहारय् कथिन दान बिया बिज्याना च्वन । उगु कथिन दान महासभाय् सम्मिलित जुयेत जित नं आमन्त्रित यांना तःगु दु । सद्धर्म श्रवण य येगु लिसे



लिसें सभाय् भाःपिं बिज्याकपिं सकलया सुरक्षाया व्यवस्था यायेगु भार नं जितः बिल ।

उत्तर दिशाय् निवास याइपिं भो यञ्ज जातिया देवतापिं, छल्पोलपिसं थौं ँ कौलागाः १०९९ शनिवार खुनु उत्तर दिशाय् छुं हे अप्रिय घटना जुयेके बी मत्य । छल्पोलपिं कथिन दान सभाय् बिज्याना सद्धर्म न्यना बिज्याहुं । हानं कथिन दानया पुष्य अनुमोदन याना बिज्याहुं । भीसं उगु कथिन दान सभाय् गुलि फु उलि सहायता यायेमाः । दान इत्यादि पुष्य कर्म याइपिन्त सुरक्षा यायेमाः । भी स्वामी इन्द्रराजःया आवेशयात नं पालन यायेमाः । कथिन दान सभायात नं सफल यायेगु कुतः यायेमाः ।

भो प्यंगू दिशासं बिज्याकपिं देवतापिं, तथा प्यंगू लोकपाल देवराजा मित्र धट्ठरट्ठ, विरूद्धक, विरूपक्ष देवतापिं ! थुगु कथिन दान महोत्सव बांलाक सफल याना बिज्याहुं ।

Dhamma.Digital

## थुगु सफू प्रकाशनार्थ श्रद्धा तया विज्याकपिं

१) श्री जोगराज शाक्य, महाबौद्ध, ललितपुर	४००।-
२) भिक्षु ज्ञानेश्वर, कुशीनगर, भारत	१५०।-
३) सुश्री रत्नप्रभा शाक्य, सरस्वती नदी, ललितपुर	१२०।-
४) सुश्री रत्नशोभा शाक्य " " "	१२०।-
५) सुश्री चन्द्रशोभा शाक्य " " "	१२०।-
६) ज्ञाणशीला अनागारिका, शाक्यसिंह विहार	१००।-
७) सत्यशीला अनागारिका " "	१००।-
८) मागुण अनागारिका, धर्मकीर्ति विहार, कान्तिपुर	५०।-
९) श्रीमती कयोदेवी, सुबहा: ललितपुर	२०।-
१०) श्रीमती आशामाया " "	२०।-



---

शाक्य प्रेस, ओम्बहाल, काठमाडौं । फोन - ९३६०४

Downloaded from <http://dhamma.digital>